

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Titulus XIII. De eo, qui cognovit consanguineam uxoris suæ vel sponsæ.

---

[urn:nbn:de:hbz:466:1-73973](#)

## TITULUS XIII.

De eo, qui cognovit consanguineam uxoris  
fūæ vel sponsæ.

## TITULUS XIV.

De consanguinitate & affinitate.

Majoris commoditatis compendiique gratiā hos duos Titulos non incongruē coniungimus, utpote quorum posterior totam prioris materiam exaurit, dum in eo agitur de affinitate in tota sua latitudine accepta, quā complectitur tam eam, quā contrahitur ex copula licita, quamquam quā oritur ex illicita, ac proinde eam quoque, quam quis contrahit ex eo, quod cognoverit consanguineam uxoris fūæ.

### CAPUT I. De Consanguinitate.

*Ques. 219. Quid sit consanguinitas.*

1. **R** Eip. Consanguinitas sic dicta quasi sanguinis unitas, seu sanguinis communis participatio, communiter tam à Theo logis, quam Juristis, definitur ex S. Thom. in 4. d. 40. q. unic. a. 1. quod sit vinculum seu conjunctio personarum ab eodem stipite propinquo per carnalem propagationem descendunt. Dicitur primò vinculum: cùm consanguinei, et quod ex uno sanguine, & ab una radice seu stipite originentur sicut rami ex arbo-re, naturali quadam animorum conjunctione, nec non raro complexions & morum, imo & corporum similitudine colligentur.

2. Dicitur secundò: Ab eodem stipite, seu progenitore propinquo: ut Pith. b. t. n. 1. Sanch. L. 7. d. 50. n. 1. quia à communi stipite nimium remoto descendunt, consanguinei vocari non solent, ne alias omnes homines, utpote ab Adamo & Noe-mo descendentes, consanguinei inter se dicendi forent. Cujus eriam communis modi loquendi hæc est ratio: quod licet virtus generativa propensa ad generandum sibi simile in omnibus ab Adamo descendantibus secundum similitudinem specificam seu humanam persevereret, non tamen quod ad similitudinem individualem, secundum quam parentes generant prolem sibi similem, eorum imaginem referentem quod ad corporis, complexions morumque habitudinem. Quæ virtus quod magis à communi stipite per succedentes generationes progreditur, et magis dicta similitudo & sanguinis proportio minuit ac deficit, ut Isidor. relatus in c. consang. 35. q. 4. Ac proinde jam, ut bene Pith. l. c. ex Cōninc. d. 32. de Sacram. du. 1. n. 1. durat ac procedit cognatio seu consanguinitas et usque seu inter eos, qui secundum commune hominum iudicium eundum sanguinem participant, et participatione ob diversam commixtionem & distantiam à primo stipite non nimis deficiente. Quamvis hanc propinquitatem satis declarari ipso verbo stipite, absque eo, quod rē propinquō addi necesse sit, censcat Castrop, tr. 28. d. 4. p. 7. n. 1.

3. Dicitur tertio: Per carnalem propagationem

descendunt: non addendo: rē ordinariam; siquidem inter Christum & B. Virginem vera fuit consanguinitas, quia ex uno stipite proprio descendunt, & ex sanguine Matris conceptum & efformatum Christi corpus, subministrante illa totum id, quod vera marres naturales subministant. Sanch. Pith. ll. sit, non tamen propagatione carnali ordinaria, quæ fit concepto feminæ, ex Maria Christus descendit. Neque etiam addendo cum Covar. in ep. 2. p. c. 6. §. 6. n. 1. & alii sequentia: vel quarum (intellige personarum) una ab alia descendit: ut vel sic Adam ejusque filii dici possint consanguinei, quales alias dici non possent, cùm non descendant Adam & Seth. ab eodem stipite, et si hic ab illo descendant; quia definitur hæc consanguinitas, prout hodie est in usu. Laym. Pith. ll. c. Breviorum, & ut putat, meliorem definitionem dat Barb. adh. t. n. 6. quod sit relatio ratione sanguinis per naturalem generationem communicati. Ponit loco genetis rē relatio, ut significet, consanguinitatem non esse ipsum vinculum, sed causam ipsius vinculi, ita ut vinculum sit effectus consanguinitatis, juxta quod dicit Cicero L. 1. de officiis. Sanguinis conjunctione devinciri caritate homines. Dicit; Ratione sanguinis: ad excludendas alias relationes. Dicit: Per naturalem generationem: ut excludantur collatanei, quieuti nutriti sint eodem sanguine, & vel hinc dici possent conjuncti ratione sanguinis, non tamen consanguinei. Juxta quam definitionem ut Barb. Eva non fuit consanguinea Adami, utpote de cuius costa, non naturaliter, sed miraculose fuit efforinata. E contra B. Virgo & Christus fuisse consanguinei; cùm, ut Barb. citans D. Thom p. 3. q. 33. a. 4 in corp. generatio Christi ex parte materia per Virginem Matrem exhibita fuit naturalis. Atque ex his vides, eriam illegitimos & spurious venire nomine consanguineorum, cùm spectato jure naturali, etiam illi ex communi illis ac legitimis sanguine descendant; adeoque, ut Corrad. in pr. dispens. L. 7. c. 1. n. 6. quod ad matrimonii impedimentum & dispensationem nullum faciendum inter eos discrimen.

*Quæst.*